

于湖小集

題詞

僕山木散材局迹代農迴旋依隱耽陸沈而無遠志觸物
厲興偶拈韻語率逞胸臆不求工律但取剽剝儒墨刊度
情僞寫蕭寥獨往之趣寄虛己遊世之指而已閒亦感世
變之遭屯憤龕拯之妙術愍九流之湛濁睹羣策之艱挂
綆短不可以汲深故守雌以葆用短刺今無傷於敝古故
風諫以示砭今詞侘如隱詎婉方暴亦頗宗尙阮籍孫綽
許詢帛道猷高允顏黃門王無功柳子厚之徒於莊老靡
謝山水未滋勃窣迴穴浹崢嶸蕭瑟之際致其觸理發其興
趣焉甫里敝人本無情於祿仕曷矧拙吏不欲標其名姓

于湖小集

題詞

一

水明樓

世有詆爲旁門癖謬者蓋漠然無所饒於中焉光緒甲午
秋九芳郭鈍安漫識於避舍蓋公堂

子湖小集目錄 詩一

再泊楊村

奉答悉伯贈行之作

海船中卧處適當奔輪戲拈爲題

三月廿一日泛海

白來滬上困於塵勞未能追尋舊游一粟庵南園龍
門精舍諸勝邀家竹式上舍同作三詩

瘦瓢

四月朔日乘江輪船西上

望鍾山

咏連理桐

時腐腕江行館

江上

旅館排悶

酬包懷甯兼懷仲修作楚游

戲咏懷甯土風

次韻答聯仙蘅太守

僊老牙齋清寂宛如僧舍案無滯牘餘事作詩草窗
藥樹時手一卷枯坐其中昨再以喜雨詩枉示復招
譙集漫咏四章泚筆率呈

送篁西李使君

調馬船西

登知稼樓

題沈蘭槎場尹聽海圖

清晨偶書

家竹式上舍自海上來見訪信宿而去

題金蓋山圖用蘇文忠遊道場山何山詩韵

意有未盡別作一首

簡沈約齋陳吟鉢

和友人夜出至湖隄小橋上望月

寄榆園逸叟

前詩沈約齋劉積堂陳吟鉢諸君子皆有和章因復
次韵奉答

所居霉溼江漲欲入戶衣魚盡生窟穴書冊中兀坐
蕭然殊妙佳趣

諸君屢和前韵復戲答

九月初至皖口僦一破屋而居

籀西晴望

戲簡同年王子裳太守

再和五代楊少師絕句詩帖

和李西臺觀東明寺後楊少師書壁詩

簡童次山提刑

陪仲修同年游赭山塔院卽送其將赴鄂州

鄧彌之山長挽詩

瓊島二首

江上

觀亡兄松喬詩課冊追悼不能自己

菊

十月十日

萬壽寺祝 釐行禮恭述

贈鄒墨賓

浮橋成

寄贈吳倉石少府

北郭外最樂亭留題二首

榆園兄暫來于湖杯盤艸艸流連語舊未十日卽返
里門離緒惘然作此追寄

宗湘文分巡六十初度寄詩爲壽用柏梁體

答同年樊渭南

訪崔隱居

奉和欽使閣學許公海外見寄之作

再和

送沈思齊

夜坐

次韵禪樺見懷

簡顧綸卿

次韵答仙蘅

對雪

除夕遣興

于湖小集

詩一

芳郭鈍交



再泊楊村

癸巳三月

日暮依稀子規鳥綠楊陰裏盡情啼
定然夢到桐君麓密

竹疎籬漸水西

淩云風情駘宕不可湊泊

奉答恁伯贈行之作

涼雨征輪灑曙闌
祖筵規贈枉仁人
藏書柱隱靈芝長寫
禮堂開帶草春久
接芳塵難賦別偶貽
妙畫亦通神一辭
瓊島仙班去何日
相從寂寞濱

原作

會稽

李慈銘

恁伯

鳴騶朝發鳳城闔祖帳傾都盡故人魚袋尚攜三島露隼
旗先占九華春六條察吏戎無策萬卷隨車筆有神最是
錦帆堪畫處綠楊紅杏潞河濱

頃畫一扇贈行綠楊紅杏
王荆公詩屢及之君最愛

荆公詩故
寫此意

海舶中卧處適當奔輪戲拈爲題

風輪持世送虛舟
析芥真同汗漫遊
未必卧輪勝六祖等
閑炙轂傲三鄒
四禪坐處喧皆寂
卅幅無時用始過
俯仰
易奔光景劇危炊
針坐且何留

三月廿一日泛海

稍覺淩風生羽翰
四維之外眾星乾
秋毫未信天池大
夏

蚬焉知地軸寬世變真如蒼海幻仙心欲度赤城難一杯
濁酒窮愁志燈火昏昏且強權

又

將軍橫海控樓船島索腥風吹別筵

時北洋海軍一枝已成軍

金復有

圖天險壯鍊繩無術地形聯滿陵煖臂侯猶失謂繩郭相

虬花氣尙全天下安危大臣在小儒何用費瑯鐃

又

斷岸微茫不見村拍天巨浸氣氛昏驚花瞥見風帆過沙
嶼懸知海鶴蹲元氣喻張神物大利權收拾谷王尊取裁
并媿非由也祇辦窮探雷翁源

福山

徐生自古求仙藥呼吸瑯環福地通
紺艇帆鼓如立仗赭山崖斷若浮空
入雲雞犬瓊華界倒影樓臺碧澗中
淨掃羶鄉蛟蜃市分明積氣動昭融

自來滬上困於塵勞未能追尋舊游
一聚庵南園龍門精舍諸勝邀家竹式
上舍同作三詩

三十年前同鼓匱燈昏草閣待潮生
蟲沙只有名藍在擬約西庵聽雨聲

又

江表彫蠶耆舊盡白頭今幸兩人存
竹根重枕芳茵卧試

覓君家瓦酒盆

又

粘天芳草是江南一粟間浮尙有庵不向蒼苔尋履迹恐
勞悄愴觸江潭

欲挂

欲挂長生木瘦瓢扁舟壞衲晚乘潮九峯雲壑知何處竹
簾丹經手自鈔

四月朔日乘江輪船西上

似寄青螺殼空明泛一槎海光微見日嵐氣欲生霞石柱
襟喉壯金焦指點賒遙村樹如薺迎櫂有神雅

望鍾山

鍾山隱隱霧濛濛
紺宇華林入望中
亭號割青隨劫改
溪流環碧與淮通
竹根如意無通隱
杏子單衫訴別衷
文物南朝洵浪盡
祇餘寶氣塔光雄
湘鄉曾公以使相鎮秣陵
賓賢輻湊今治城蕭瑟書
局彫殘江表矣
吾風流遂往矣

咏連理桐

時客居皖
江行館

手植知譚峭
猶餘林下風
標居五瑞外
蔭可一廬中
叶律朱絃待
捐檐碧瓦通
雙栖應集鳳
兆與秀歧同
仲修同年
幸懷甯日
游燕於此刻
池上小集

江上

江城幾曲枕潺潺江草江花盡日閑衣法南來三祖石雲
猶北望八公山英靈滿院由來聚人物雍乾未許攀一味
年豐祈畏壘麥黃秧碧暫開顏凌云國朝七律推惜抱
老人獨闢異境此類句律
殊逼似之

旅館排悶

酒廚無地乞官囊倦客安心少藥方病望兒曹畢昏嫁飢
思芝朮就江鄉白波天遠山重阻黃耳書成使未將兩部
吹蛙堪送老淹留欲卜此林塘譚云道
氣仙心

酬包懷甯兼懷仲修作楚游

漫郎天遣尹臆猥病退心情未許豪江闕射蛟留勝翳春

江畫鷁足風濤舊巢君掃雲司迹包以刑曹改外新杓子霑玉色

醪白雪由來傳郢客推公老筆續詩騷

戲咏懷甯土風

滑滑春泥不放晴脩脩梅雨打窗聲天於古井闌中見人

在彈棊局上行

房屋天井極小街道甜酒無緣甕白墮香

杭聊當飯青精皖公山小眉痕淺那有千巖疊翠成

次韻答聯仙蘅太守

歷典方州有政聲柯亭迴首舊巢窳交親竺老神先黯寄

語繩庵夢不成

公與竺坡侍郎有連予道出析津張六學士寄聲問無恙怡行推公方

渡虎塵勞笑我媿屠鯨乍欣空谷跽音敷猶戀王城吏隱

名紅藥欄開頻判牒丹沙井例試前纓

問黃山有丹老嫌泉可浴可飲

金帶垂垂重閉狎浮漚故故輕禱雨詩新看坼甲扇風和
椒兔呼庚相期同把浮邱袖鹿麝尋山朝玉京

僊老可齋情寂宛如僧舍案無滯牘餘事作詩草窗

藥榭時手一卷枯坐其中昨再以喜雨詩枉示復

招讌集漫咏四章泚筆率呈

譚云四詩逸園堅沈于古梅聖俞近代吳

西林

人海浮幢中幾人得其趣使君眞靜者服食安儒素訟庭
鳥雀閑小園花藥布心超眾緣表迹與千塵度吾亦厭世
喧疲恭慙貞固久落官曹囚賢將欣一遇不見元龍傲惟

敬孔文舉

淮南千里旱坼田若龜焦未如晉代劇

今年山西大旱代北尤甚已困

租庸調市權日厄漏民氣久已彫賢勞設方略一洗疵癘
消液液感和氣濛濛渡煙霄蕉閒灑瓊潤荷上聽珠跳吐
歌甘澤滲活我新疇苗旅人困暍役亦得蘇疲瘠把公賀
雨什投我青瓊瑤方池春流漫聊以永今朝

身如病翅翎渤澥浮一芥飢驅斂手版牙日困參拜平生
惡圖曲塵網觸天械忽遇丹山禽胸隔聊一快飴我客心
苦釋彼世議隘廣筵招勝流芳醴酬秋濯羹臚羅芳鮮膜
胸調筭薤灑落無藩柅評量析流派虎頭畫屏塵蠶尾詩

論債莫放酒杯空不嫌流俗性

使君庭中樹閨人如傳舍萍流無定姿簪盞得清暇公懷
九曲淀予憶千峯榭作吏疲軼掌上書觸聞罷分甘斂退
懦身已榮名謝癖好成香蒲支離笑啖蔗向秀寄弱豪鄭
虔從眾罵世法蝨居禪道心茸養麝浮沈吏兼隱未縱青
真靴惟堪蓋公堂詖若糟牀藹藹燈緇竹書敲杖支藤架
聯句君自工張軍吾可亞

送篁西李使君

漸西今送篁西老他日送予知是誰宦轍萍浮都是夢心
情梧槁許相期卅年行麓裝林石二頃江田理釣絲社燕

秋鴻還有約看碑行訪碧梧厓

君有退老歸湘中之意

調馬船西大令

船西大隱青油幕遠勝疲癯老漸西文字翩翩過阮瑤贈
言款款約王倪炎蒸相望梅邊雨攬結無言空下蹊貽我
袖中書不滅頭風復起一刀圭

登知稼樓懷南海張公

危構朱欄控上游參差碧瓦與雲浮文遊談薈成今憶佳
會登臨託勝流一片潮生鎮西宅四圍山入庾公樓勸耕
父老思賢將荷鍤分秧翠滿疇

和

南海

張蔭桓

樵壑

塵世難逢去後思
高樓無恙峙湖湄
前塵慚觸統如鼓
芳訊遙傳杜若詩
望裏九華仙子宅
情違三宿梵王祠
樓在永福菴西
懸知秋稼如雲日
醉倒山公白接離

題沈蘭槎場尹聽海圖

吏道日衰薄喧豗
如海市波流斥鼃
鄭里耳听然喜縱
有獨醒人撐拄狂
泉裏不能自解免
聊試投泥滓昏昏
蒙世訴默默若喪
已沈君獨不然通
介妙張弛似監筠
州稅一官蘆瀝涖

君官蘆瀝場大使
在平湖縣海岸

灑沙青煙颺畚
雪赭岸倚脩

然榷鹽吏頗得
漆園旨門前天
池碧卧洗箏篴
耳蕩涵澡奇胸
窈冥通妙理雷
碾萬漚發箭劈
雨龕峙崩刮胥
母山

鏗訇語兒里大聲吹地坼餘怒捎林靡悟不待成連釣何
煩任子寫入青瑤琴憑綻烏皮几間根地籟淨陶閣松風
擬當其會意時天地寄一指工爲避世人十八寒暑矣經
亂官舍墟構架君始庀職思貽後來不肯傳舍眎新居突
兀成妙墨龍蛇跋舊傳李少溫聽松篆奇詭今膺聽海宇
翦鐵勒生紙我未識君顏子言欣蒞止令子思齊孝廉夙
有文字之契近館
予處唐人沈用濟字方舟傳師字爲言過庭意不鼓無成
予言父子皆工史學故以爲比
毀青芝生階除瓊樹茁庭肥百川工學海雄辯極清駛想
見餐霞人朝陽採石髓不知人海喧天樂張太始君鄉峯
泖閒久欲誅茅擬倘遂杜門居世事付鬪螳聽秋萬竅號

勇蛻一官屣胡爲尹菰蒲鬱律人留此搖空層解碧相望
煙嵐紫欲叩疎筵音琅然天風起人與同年沈約齋有卜鄰三柳之約約齋亦君之族

清晨偶書

滄江號秋蟲輕陰籠淡日秋花雖爛漫氣象亦蕭瑟蕉林
匝地暗翠扇展橫逸曾無修竹彈任障層軒密欲喚臨池
僧拏窮草書律汝豈任刻琬中堅無一實會看霜風至眞
態萎黃出吏舍乏佳興周旋窘一室旣尠度世姿慙無理
人術深齋抱微明隙景難究詰今固未必是昨亦豈全失
得茫付混同外物不可必惟當假至言齋心養衰疾

家竹式上舍自上海來見訪信宿而去

蕭然野鶴蹤訪我于湖道於世澹無求童顏發梨棗塵勞
不可縛垢障淨如掃絃無琴自韻淵淵珠不燥筆勢既翩
翩酒懷方浩浩君真得道姿開予瑩素抱予解時微中理
筌堪絕倒洒落申屠嘉蹇然起灰稿流光物我逝真宰願
常保筵無碧芹羹餽有紅蓮稻沈子亦畸人約墜緒其接
討坐未穿牀藜行將槩房藥竹式行年五十餘自云精力
尚強猶堪應白門秋賦矮屋
中足辦忽乘煙艇去縈我別腸縑輕矯恣所便抽身胡不
一戰早譚云字字如清涕母
流絕不與河色調變

題金蓋山圖用蘇文忠遊道場山何山詩韻

芒屨未蹋何山麓忽見垂蘿雲一谷幾曲青林到此閒但
看畫圖幽意足何楷題名尙未漫坡仙傑句霜鶻盤雕欄
碧瓦幾塵劫惟見白漚浮遠湍山如紫蓋撐空出松吹四
圍風掃席中丞重構此精廬插槿編籬援親植歸安撫部
重架屋間
林修復柱治有
卜築終焉之志喚取畫師撫碧鬟裋裊持節發黃閒乞身
猶滯三刀夢 敕賜先求一角山作記琅然奏殿旦卧遊
割取濃青半落筆天機精者誰似是吳中顧元歆顧若波
作此圖

意有未盡別作一首

澄暉亭中風雨竹一枝東坡老人留畫壁何山歸興遇耘
老官奴把燭意滂魄肝肺槎牙出倔奇主客神情兩忘適

爾來韻事近千年吳興中丞抱奇癖古榭霜龕補種梅仙
壇厯劫搯金碧胸中自具幾洞天追羨眉山老標格我雖
未到亦華舍欣然欲訪真靈宅奔泉穿笕注齋廚燒筍饒
筵勝肥炙雲巢道士留丹訣亡友施均甫爲說乾隆末年
道士沈谷音祈雨事殊奇乃
金盞山中劉朮爲糧煮白石役使風雷俄頃開蜺履歸眞
得道人也
了無迹空棺惟瘞一竹杖潤飾儒書歸老釋沈道人之高
弟子曰費熙
箋解大戴禮中曾子十篇教人與人言必依於孝弟此與蜀嚴沈冥何異其用意有足多者
要有人度世沈冥亦佳策欲往從之泛雪溪人生定著幾
兩屐

簡沈約齋陳吟鉢

漸西野性疎頑甚世事誰能耐刻谿何似胡孫入布袋強
教麋鹿被金羈擘牋賴有陳無己刻燭將邀沈亞之便欲
結聯秋禊社不嫌把臂入林逋

和友人夜出至湖堤小橋上望月

水南鬱森沈灌木秋氣斂微茫辨遠岫薄煙霏冉冉擧攜
清夜游佳氣欲泛剡潭馨荷蓋殘村火松明閃裏裏略約
上壁月吐復掩塢雲合鱗皴龍燈射星點奔泉注江閣滌
漈穿蘆崦卽目娛清景意行脫拘檢惠能雕萬物莊亦離
諸染何似濠梁語會心應不減

譚云此入山谷老境

寄榆園逸叟

識舟亭畔雨連夕春藻堂前秋已中對榻悠悠幾清夢看
雲脈脈兩衰翁釣壇櫟葉落誰掃芳郭楓林知漸紅一官
局束不稱意半枯已是龍門桐

自從畏壘寄庚桑疵癘今憂民物妨手版分應投劾去肘

囊未製活人方

姑孰年穀尙穰而鄉間疾疫大作
餘稍枵腹乏人收穫心甚憂之

晶晶夢

痕疑識路澗澗秋浸欲浮牀貽書曲折煩君意千里封題

遠寄將

兄手書至洒落千言備戒爲政當以
惠民卹商爲急務并鈔示辟疫方

前詩沈約齋劉積堂陳吟鉢皆有和章不意僻左之

域佳客斐然成一詩社走自來于湖去京國詠若

文游之樂而就簿領束縛之勞意常忽忽不自得

藉非諸君子珠玉崢嶸潤枯枿熨寒窘相响相吹
於塵璫之表走又胡所恃以久淹邪因拈前韻分
答三君譬之固守蓬藿者聞戶外足音趫然而喜
雖云習氣未除其亦物類相感而然後有達者觀
之良可發一笑耳

塵勞息前營退懦就新斂曩遊興化門侍坐由與冉並釣
珊竿修耦耕黛耜剡草閣一燈寒光入疎籬閃秋潮郭索
至倦枕窗半掩別來廿五年知時獨慙點我坐荒故園君
仍隱深崦翩然肯相過坐榻忘形檢高士比素絲素絲不
受染起予歲寒意礫砢節未減

右答沈

久雨岸沙積窮秋野因斂我來分秧初流火驚荏苒吏能
非素習鉛刀媿銳剡仗有劉穆之燭照罔象閃昆刀出匣
寒光氣不可掩判牒佐平反文移不加點時出小詞新秀
奪赭山崦逸予但坐嘯庶免觸崖檢性不習倚聲從茲擬
薰染常倚勝情豪勿令高興減

右答劉

世喧付澹忘道勝期深斂歲月如奔輪常恐老冉冉楚貢
丹橘林蔚然曾枝剝浮江昨同行水伯朱旗閃金庭行自
獻文采爛難掩憶與老湛翁風甌日注點

故人鄭衡陽
君之外舅今

遶林下甥相識皖公崦時出青瑤篇會頌金泥檢要懷濟
物性勿使垢氛染君看後夜月未覺清光減

右答陳

所居霉溼江漲欲入戶衣魚盡生窟穴書冊中兀坐
深齋殊尠佳趣

陽侯鬻隄根蕩涵勢未斂頗類柳永州所居溪氏冉叢蕉
縱橫生嫻不施薤剡莎砌寒花明檣燈一星閃面勢蒲魚
市佳觀城堞掩竹書蟬粉黏素壁蝸涎點幾時出深甌搆
屋瞰懸崦卑溼且苟安淩雜從拘檢脫離京洛塵翻訝素
衣染朝來津吏報石稜去聲水痕減

諸公屢和前韻見示復戲答

君看臨河敘筆縱氣轉斂羣賢曳翠裾雲集紛冉冉新詩
角妙語孫許出東剡仰觀天宇開爛若巖電閃勝流何代
無甯爲昔人掩雖乏曲水觴各倚斑管點媿非內史才敘
次竹林崦未諧丙舍誓頗畏藍田檢近山多可遊石髮青
于染秋袂規同往清襟良不減

九月初至皖口僦一破屋而居

堞枕長江岫倚闌人家高下簇螺髻銷沈吾已忘身世茶
役誰相訂往還破屋聊同玉川子叢談試糾鐵圍山夜分
萬籟聲俱寂秃筆拈來一破顏

移西晴望

江上楓林秋未殷，秋深風物已蕭閑。
試開北戶支頤望，稍見龍眠一角山。

戲簡同年台州王子裳太守

君拋胡麻節來餐皖公霞，一囊粟不飽著書空。
滿家載得鴟夷舸，溪女顏如花。社日無可遺東郭，
嘲哂牙我落春穀。溪天遣尹魚蝦身心兩槁木，
亦罷鍊河車。朝浮射蛟江，午趁排蜂衙。斂版尻益高，
逆旅栖如雅。疲茶不相見，獨宿思無邪。清風動簾夜，
微月映窗斜。思公隔一塵，望子如匏瓜。何如寒與拾，
石壁題嚶啞。何似鎔將阮，拔宅餌丹沙。徒爲

兩禿翁生役智无涯萍逢此江國粉堞聽鳴葭猶託山公

迹吏隱詎非耶

史稱山巨源吏非吏隱非隱委蛇順時心存事外獨保浩然之度

再和五代楊景度絕句詩帖

人海喧中寂幽陽纖復圓無心遇土淨有酒學頑仙

原作

院似禪心靜花如覺性圓自然知了義爭肯學神仙

又和

露葉瑩逾潔風花碎又圓疲牛解金絡試叩華陽仙

淺云雖乏

人外游聊作人外語

和李西臺觀東明寺後楊少師書壁詩

別無可語嶺沙幻祇有東明粉壁寒略得顛張春草意風
簾槩几試頻看

此謬言今實無
此捐本流傳也

原作

枯松倒檜霜天老松煙廟煤陰雨寒我亦生來有書癖一
回入寺一回看

贈童次山提刑

童侯作人有佳趣沈冥詆若參文句翩然厭直承明廬浮
渡山前作霖雨君家五葉珥漢貂匱裏三冬足油素一權
江上繡衣節手治獄市鉅姦蠹時持正論出風雷不惜欽
崎與時忤邇來善作閉關居疊石支欄花藥布賀公未許

乞剡溪楚客方教種皇樹子亦支離畏世喧何方可隱漆
成園一官暫寄樊中雉世法拘人蝨處禪何日披雲卧石
門精廬移石劖雲根舊將束禮育王塢伏老堂開酒舫溫
蔬香小摘供春餅嵐翠浮空入酒樽內史新傳種果帖來
禽青李盡生孫寫君一段胸中趣幾日招邀作比鄰

陪仲修同年游精山塔院卽送其將赴鄂州

名藍出郭見步履兩衰翁秋色橫相逗村醪試一中紫紵
度林表呼吸薄霄空丹橘垂庭實青蓮鬢梵宮寒山從性
咄盤特豈宗風間內有風魔禍疲瘵如甕運談諧到阿戎
連日子微病譚世子亦知敬客層軒聚遠景列岫軋高穹絡圍成奔轅
兄及兒子櫺梁從

迴環飲壑淵柱維形勝壯龕拯道情充雲擘黃山峽天摩

碧海銅濤閩赭岸坵徑轉赤華通人語魚蝦市嵐光紫翠

叢巴驥飛鞚往酒姥玩鞭恩虎踞前朝戍瀦沔大冢窿

東縣

北周村有王處仲大冢

書丹朱幘在滴翠古軒籠耕出戈鋌鏞琚餘

筆仗工

寺外有兩石經幢一大中十二年一乾符六年滴翠軒踞寺之巔黃涪翁讀書處意文節自戎州召

還爲太平州日

常栖息於此耶江流界吳楚積氣動昭融叢荻搖疎紺攢

楓出小紅行廚深竹裏

王大令送酒看至

嵌碣綠落封危塔影斜

瀛環州浸不窮蕭閒冠野籜心迹送孤鴻白雪樓思郢客

星臺憶桐劍心離合乍詩境鑿開雄淨業栖初祖多言問

小童濁醒無此客流別寫深衷畏壘憂民癘庚桑願歲豐

慙非鵠冠子去逐鹿皮公旗鼓甯堪敵孤虛笑待攻楚游
荀況老嵩少尹洙逢還似龍門雪山行發興同
凌云隙仗森嚴此亦

鄧彌之山長挽詩

濁世日多故龍蛇無位寔所以陸湛士蕭然老文字鄧公
天機精賢將嘗一試壯監制河軍盤錯善藏器晚主宗雷
社潭思敷講義

先生咸豐末將湘軍援浙官道員以人言罷歸遂不出近年客江甯主文正書院

斯人工善俗左物常右志茗柯出眞醇懸解析理致正聲
續微茫雅道起湮墜一朝返眞宅浩然捐物累長留冰雪
辭眇繇天地寄黯淡鍾阜雲清塵悼誰嗣

凌云起四句括盡古今無限時

落失職之士

朔氣翔倦翻幽姿爛潛鱗叢秋媿綺束未獲樵蘇親遺我
一卷詩法崢思入神和陶脫畦町宗趣資清新處約玩消
息抱冲澹無鄰俗言競蟬噪窮年斲椎輪意匠出平澹誰
知中苦辛袖書字不滅忘年感諄勤針芥有微契況得託
州民物化俄電逝公自返其真荒壇闕蕙劍光氣有時伸
神理自繇歷遺言豈終淪

瓊島二首

瓊島無靈氣枕柳徑頓蕪遺文斥封禪危論仗潛夫詩外

翁山逸人閒鄧嶽書青霞一灑淚耆舊幾彫枯

嶺表友人傳言致仕

前戶部郎潛孺老
亡作此以悼公

長庚照海外一老獨光芒
解佩潛郎別麻衣稚子傷
離筵柳湖寺講席惠州堂
去主羅浮嶽精靈侍帝觴

江上

江上撐空千疊山江風吹度暝帆還
浪淘人物前朝去虎踞龍盤只等閑

江上楓丹葉漸無南來日日飢雕胡
只輸一事城南杜詩律窮年晚更粗

觀亡兒松喬詩課冊追悼不能自己

嫌汝性非耽紙筆今看佳句頗時遭
瓦棺幸返青山麓妙

理能知白墮醪風造算林哀械械魂歸霜瀨夢勞勞不材
社櫟仍非福何處黃冠逐子高松岑之弟龍子高久出家
爲道士今春自南嶽至海
上并約來游黃山兒欣然欲從游師事之竟病歿不遂其
志子高惠挽詩三章有黃嶽無緣空負子青冥有路自爲
家之句

菊

陶令未歸田疎花薛彭澤爛然庭莎閒花葉粲金碧訟庭
鳥雀喧窗亦虛生白秫熟注糟牀落新侵履迹秀色宛可
餐落英供小摘陶然有餘懽與物同其適何殊東籬下暫
屏外物役榮枯皆可喜況耐風霜積試招龐參軍晤賞欣
至夕

十月十日

萬壽寺祝

釐行禮恭述

南山

慈壽日康哉陽月喧和淑氣回函夏欣霑

丹詔酺

暢春長御白雲杯

賜金番寺咸維拜

厄魯特黃教部長胡圖克圖嘉穆巴圖多曾在洮州精河等處廣建塔寺為

國諷誦無量壽經十五年蒙恩賞白金二千兩臣魁時官郎曹為草謝表牒理藩院代上之上年移書胡圖克圖訂其甲午年來京祝嘏以盡遠方藩部慕義之忱 賚粟神州屢澹災

聖德頌宜金石刻荆山擬鏤玉崔嵬

于湖有大荆山圖經云其山產玉

贈鄒墨賓

何年溟漲出堆阜
櫓如荷葉成新洲
頗疑神工獻地肺
又訝水伯負藏舟
當年狂寇不敢睨
一片淨土東南陬
五牙兵艦鏢鎗壯
平吳之役資襟喉
時清久矣戶安帖
市聲浩浩塵居稠
駢闐幾視一壯縣
鹽鐵充牣如山邱
濠觀老守作監候
鸞翮暫寄談天鄒
荷葉洲本銅陵縣濠沙荒地經亂民人避難來此日臻繁盛官軍倚以爲固遂成巨鎮鄒君嘗爲濠州守今監稅茲洲兼督上下游緝捕君家京口酒可飲
豪氣壓倒元龍樓
佐軍日艸百露布
結客佩解青金虬
盛年麟閣唾手得
寶刀出匣鳴陂陂
晚來偃蹇卧江上
途人按

劍珠光投匣中陰符已輟注肘後方藥猶勤按但施小術
靖狐鼠顧視宦轍如蚍蜉晴窗遠見九華髻人閒何處無
丹邱粘天琉璃四圍碧日氣西射餘霞浮枕函時出排異
句老筆攝取菱蘆秋澹災一嘆樂巴酒拯厄屢覆香山裘
荷葉洲七月中失火延燒四百餘戶君竭來扁舟枉相顧
力籌賑沛災民無一失所今漸復業
意氣灑落非常儔看君眉閒有黃氣市人莫笑任公鉤一
朝腊魚膾千里坐使襦袴生歌謳豈比鰕生鰕一割散榜
喘月如疲牛還當共把桑落酒聊試麴米春新麴

浮橋成

一水通丹嶂連繩界白波浮空排畫舸穿徑入煙蘿比似

樵風便頻看野衲過津梁吾豈敢化俗媿弦歌

寄吳倉石少府

公幹有逸氣莊生多寓言英華蘭菊嬾流派戴施存

茗書
閒詩

人自亡友戴子高施均甫後今惟張乳伯
凌塵遺健在吳君晚出乃異軍特起者吏傲真堪隱詩

窮亦自尊欲招吳市去息影謝離樊

北郭外最樂亭留題二首

洲渚渺緜連遠山危亭攝取景蕭閒流杯朝吸青霞飲簷
樹昏招翠羽還欲把浮邱迴左袖平看佛屋窟孱顏留連
誰使予忘適便卜誅茆野水灣

凌云常景耳一入君手
寫境便覺窈異超廓

又

隔湖山色若浮來卷幔縱橫翠作堆樵擔遠歸丹嶂路酒
旗斜貼碧城隈試拈瓢飲尋眞樂從借濠觀老不材知否
此中堪避世作庵對小九華開

赭山一名
小九華山

榆園兄暫來于湖杯盤草草流連語舊未十日卽返
里門離緒惘然作此追寄

爭禁十七年離索握手今朝始款然宅縱營新少雞犬事
難思舊半雲煙松門丙舍翠應合溪路山花紅欲燃差喜
楓齡兄健在爲裁大布製裘便

又

歡愉迴溯雜悲辛往日崩騰蹙圯人

夜語咸豐
庚辛間事

月黑窺籬

惟有虎池荒卷葷更無鱗對床何幸同聽雨作社他年共
賽春老我風林夢幽翳南陔不洎總傷神

又

羅含蘭菊園應在仲蔚蓬蒿徑待畦菜蝗何當施手翦竹
雞試聽盡情號爲支背郭茅堂足欲問比鄰草市迷江總持有
南還尋草市舊宅詩那用九柯并十匠屋成因樹榜新題

又

此生眞合侶蘓漁鼎鼎百年時易除吳舸蜀船此津會青
楓白漚孤賞攄中散不喜章服裏右軍惟傳種果書閭仙
洞口梅花發相與拾橡呼溪狙

又

陸家北信憑黃耳江令南還已白頭
剖竹濫邀監劇郡傳柑兼得近吾州
常憂素飽民物瘡爲卜小築林塘幽
釣壇木客近招隱爭席相將狎野漚

又

齋廚杞菊愛天隨燈火昏昏悵復離
蝸帶殼行信留滯晷將子送還因依
昨夕攜諸子走送河干立望扁舟已遠始返多情瀨上碧溪月

來照磯頭丹嶂圍歸枕風濤倚江檻
待予野服換蘿衣

宗湘文分巡六十初度寄詩爲壽用栢梁體

公昔符竹臨瀨鄉歲星煜耀清風堂
畏壘已祝來庚桑疵

癘不作占金穰桴鼓輟響山越藏蠶耕安輯民熙攘潯東

西湖疏碧坊藻荇空明魚相忘

公潯郡城兩湖爲放生池春秋佳日挈文士游讌其

中扁舟拍浮斐爲裳眾賓皆醉山低昂老守危坐詩一囊

時出龍虵兩三行哦韵響答風中簞嚴祠架構青豆房壁

記語妙掃理障精廬橫舍卜上梁帶經之士月饋糧廣菑

七錄儲縹緗迎師簪賓校丹黃上規鹿洞學制詳石室禮

殿釋菜將多士有窓工趨鏘

雙峯書院亂定久廢公重建振興架度經史課士月有程

督採詩手錄

皇哉唐時出光恠厓谷傍不使荃菊菴蒿稂

輯錄嚴州人詩至

冊雨巨雲山四面傑閣蒼九十九穴仇池瀼杖導泉乳甘且

芳長生瘦瓢酌天漿天關異境龕迴徨都人士得游觀慶

公於郡解築四面笑吾州賢將杜牧希文王伯渭南陸

山樓又修復仇池塢老尤慈祥公之治行相頡頏州民浮游幽荆揚無田不歸

松菊荒放翁來作州將良願獻紫芝辛夷房青精作飯石

髓糧巨勝可服黃精香奉持松苓酒盈鎗祝公長生壽未

央將隨後車和氣翔帶經荷鋤下溪莊有時何武樂職襄

尙能于薦歌升堂此願罄之久未償公旋朱幡引前塋愿

典大郡澤滲滂秀湖明甌衢山蒼治視吾州尤觥觥精枕

水旱迴雨暘不待土龍泥佛禳蠶桑興堰捲葑蔣具區之

役蘇排叱公守湖州興疏濬澳港碧隱君孝子工表章守

浪湖之役農民資以溉田

州日復除全謝山先生墓道會稽王孝子所至得士不可

自湛於賀監祠旁公牒大府奏請旌門

量洗滌埋獄龍泉鉉技嚴竹箭出勛剛列州之治野乘詳

吾懶人也言其鄉書

國朝吏羅循良森嚴史筆錢與彭彭先生紹升撰國朝良吏述錢先生儀吉續

之從遊歲周兩星強輓迹離合不可常資予芻蕘西笑裝

石墨搨寄樗寮張范的明駝步軒昂往年惠寄佚老堂記及阿育王寺常住田

碑打六菁妙迹喜欲狂使我篋笥生光芒我初試吏秦故

鄣乞音器我肘後刀圭方昨郵示守湖吏牘十四卷方略甚具公於吏事天得之也今公

年開七袞剛權鹽駐節亭滄浪如元紫芝眉宇長聽聰視

瞭瞳欲方夜分細字鈔凡將解衣磅礴側困筐文成屈奇

聲雷頤有時走上支硎岡名山濟勝筮屐遠不須靈壽筇
扶將放翁九十築龜堂子適踵守雙臺陽胸臆廣博公抗
行匪詩萬首垂琳琅祝公老學庵吉祥父子繼植州甘棠
老修民敬解蕙纓雲山韶澗江水泱函封金母桃滿筐伯
公欣然誓一觴

答同年樊渭南

江干霜淨洲渚出驛使不來風色寒濁酒愁傾銀鑿落素
書忽枉青琅玕顧子氣象已摧塌羨子才力猶騰騫渭南
一縣花垂發焉得凌風生羽翰

夢君手把綠沈管題徧秦中寺寺樓一片寒陵共誰語五

千柱史魏冥搜逸才豈止過絳守倦翮晚擬尋丹邱欲和
新詩酬眷顧卻嫌句律似蝓蚌

訪崔隱居

村南微徑修蛇出水竹縱橫籬落成面勢山川絕蕭曠乍
豁遠目增雙明漁父野田狎白鷺樵人藥擔分黃精邴丹
寂寞逃物外許割層軒茆一楹

又

山人足不踟朝市壁挂蘿衣身始輕
岑友太史足迹
久不至都門谷口
無心著名氏洲陽相望卜茅衡飢飧白菊天隨子菴取黃
庭心太平清靜蓋公期問道闢堂待捧碧芹羹

奉和 欽使閣學許公海外見寄之作

方丈仙人絳節遊班行久冠鳳池頭智囊橫括西紅海詩

境雄開北鬱洲

時使節駐俄佛說北鬱單越洲應直其地

瑞札遠銜存散吏前

驅祗待迓歸騶獨慙緡算無裨補掌制還朝冀見收

原作

秀水

許景澄 竹耘

十年臺妙最知名今日眞看直指行天下軍輪緡算重大
江鑠鑠雅歌清徙戎深念煩江統諭蜀風流羨馬卿緡取
相思馳萬里漢家帛雁正南征

再和

九萬里書珠咳唾十三行札意迴環浮沈祗合潛郎老飛

輓甯任權吏難戎索廷推銜轡倚重臣公已贊絲班圖成
蔥雪

天顏喜進御真看米聚山

帕米爾邊境紛紜爭執未定苦無佳圖定其方向至到得公奏

進羣疑頓釋

送沈思齊

勝業資器師高辭殆天得晚交得沈子雲閒有奇翼美箭

秀東州赭汗徠西極武庫會見收天閑月題飾潭思六夸

傳戎索辨璽越祭野記蹕林桐筵知服匿金碑釋勝陀金

勝陀碑在伯都訥廳大定廿五年立以頌金唐碣菟闕特

太祖功德趙可撰文孫候書丹黨懷英篆額

建牙肥城肥言肥城也

鑿隄黑水黑

庫爾喀烏蘇譯言黑水也或以爲卽禹

貢雍州域

斗杓反在南鬱洲還界北鹿犁辨風土羊腓程

之黑水

漏刻

君嗜爲西北輿圖之學又纂集歷代四裔沿革大事表

摘詞潤雅故文字各識

職鏗訇金石聲璀璨雲霞色追攀陳大樽幾與箭鋒直吾

衰久捐書養疴徒食息校讐廢鉛丹几案紛朱墨民罷坐

難治吏責未稍塞仗君蹇然來使我開匈臆高言碧山鮮

發興青邱涉稻花秀可餐荷葉淨如拭聽梵叢林昏觀漁

曲碕仄濤崩夏蚊怒月暗秋蟲織清談坐忘疲懸解或俱

默課書蕉一叢講易著再扞兒童如石頑稍稍就約飭頗

懷卜鄰約下孝徑投効忽復涉冬將歸南湖側承懽衣

班連偕計車約敕披腹呈琅玕拙思吐翕施將陪石渠議

行履承明城予耽清淨退朝飲思木食常欲希湛冥卽事
媿通識青櫛藥錄求丹井經方覓康屯付君輩時論相須
亟焦明自乘雲倦羽方避弋送子翔上都發摛稽古力探
奇寄書來開予滯江國

夜坐

偃蹇蒼江上幽懷耿未平蕭疎風落木岑寂鼠窺檠俗學
晚知誤積流誰激成惟應西巖月濁水照孤清

次韻禪扉見懷

飴我剛腸濯一迴新詩機趣近歐梅折麻何幸依同調剖
竹常嫌絆不才頗畏文書森似束偶參禪味鏡非臺肯垂

發藥如枚乘卻盼郵筒月幾來

簡顧綸卿

復見清標顧八分華予歲晏悵離羣同游皖國新知樂枉

示梁溪舊德芬

見贈涇陽端文公集

坐嘯幸容成璫逸軍諮深倚季

方勤

謂令弟石仲文學

春開池上筵修禊林下風微獨酌君

次韵答仙蘅

幾見畸人困市闌室無倭墮侍書鬢出君製作玉堂手食

我刀圭金液還妙迹虞戈新槩几

聞君出課吏事之暇必臨寫廟堂碑半本

銜錙井舊藏山微之州宅難相妬第獻庸音索解顏

對雪

奔騰樓下黃山水颯背沙枯赭岸兼雪裏枝江罨丁宇煙
中積塢隱雙尖勁風乍見飛花舞恩澤徐看宿麥霑爲禱
遺蝗潛入地年豐三白試頻占

除夕遣興

爆竹聲中歲已新勿嫌光景似奔輪稚川頗守庚申戒景

度猶稱癸巳人

楊凝式癸巳年生題識多自稱癸巳人

北地尺書頻見及南

州風俗乍相親不辭後飲屠蘇酒身是爲郎執戟身

詩

三

水明樓

于湖小集詩一

于湖小集目錄

詩二

夜抵皖口

懷舒州山谷寺

仙蘅都轉屢作虛字詩見示迫窘不敢和戲呈一首

題李斯傳後

秣陵故薛夫子別墅

秦淮水榭歌

弔汪梅村先生墓

江上遇志仲魯太史

治道尙猛

憶君山寺

春雁

贈積堂

贈約齋老友

戲作春興詩

調塵遺

游飯籬山海客別墅

醉後又書一首

早至講院諸生皆未至隱几小睡呈王廣文

王君邀喫菰米粥味澀而美再賦

東菴道人

養疴

莫謂

新修小援子

板扉上有涎蝸家人呼爲水牛戲賦

祠事同水南春望

得鼎父廣州書卻寄

蹋青

水南閒眺

預邀同社諸君春禊

戲題寄子裳

次韵靜山太史

雲門秦中書來示見和詩累數番紙才如泉湧倘不
可當戲答一絕

邀子剛出游

集句

登知稼樓宴集

食筍

悵望

集句

浮邱子歌

問孰能游是

蝦蟇

王太令邀泛舟渡江謁靈澤夫人廟寘酒舟中作

題黃文節戎州以後詩

欲游黃山客諍云道回遠不可往因說一偈

應旼國博六疊前均奉和

問春何處去

聞荆山佳可游故老云是卞和採玉處又多鑿石乳
爲造像欣然賦之

送饒輔星

前年在京邸園中老松暴枯葉赤色屹立狀益崛奇

近於吏舍種竹頗不如法十日而半萎黃裁活十數竿耳作詩獻嘲

集句戲簡約叁

和仲伊山長弢廬八詠

野衲

戴文節著色山水便面

題薛郭外姑碩人遺真

禹祠

潘上舍拾榮奉母畫卷

鼎丞新得鳳顙詩以代簡

詞應廣

上禹耕山

紫丁香榭四首

野景

予規爲榭估工須四十金難之遂罷役客又曰此殿
春花狀酷似丁香而實非也復作詩

甄敬

題畫卷

挂席

初夏

言一
遊綸卿

舟行

聞當塗慈姥磯出異竹四紋絕倫卽西蜀王褒所稱
江南之簫簞也所從來遠矣欣然賦之

綸卿舟次枉和新篇復次韻

江村

東門渡

絳夫行

宣州楊使君招讌郡齋并約同游北樓留題

明日果登北樓別旣淹旬追念靈境情勞不釋用謝

吏部高齋閒望答呂法曹韵作一首以寄意

又依高齋眎事均作一首

依李翰林登宣城北樓作一首

讀南齊謝朓傳有感

惠山聽松篆刻拓本

又爲彭應賡題

欲尋

訪崔隱君不值

舟中望九華山

復至皖口

壯士行

見林蘭花寓意

子裳招池上集

將謁唐兀忠宣公墓

簡署布政使員公

春草行

仙蘅招游大觀亭

又一首

苦熱行

黃提督

秉均

蒙縣守城圖

寄梁節菴鄂州

于湖小集

詩二

芳郭鈍叟

夜抵皖口 甲午正月五日作

未作斜川汗漫遊
乍乘無柁自行舟
愁看兩岸山如墨
煙水空濛不可收
夜泊又尋蝸國角
朝參還赴戟門騶
多情行店容狂客
鐙火深更迓一漚

懷舒州山谷寺

妙隱本無常
轍迹白衣三祖有
高輓幾多鈍鳥蘆
巾宿亦有冥鴻塵
外逢雲護壇松
花灑灑春生溪
穀石淙淙我如
別駕栖予李瀉
碧還指訪古鄧

仙術都轉展作虛字詩見示迫窘不敢和戲呈一首
鏘鏘秀句善惡虛七字長城沛有餘略似藥名工勸酒更
愁庾語費箋疏穀當無處車藏用花到融時蜜始儲開卷
還如披爾雅最難索解是哉初

題李斯傳後

枉事蘭陵稱弟子文字雄強識還鄙失時爲鼠未爲虎賢
愚何分倉與厠

秣陵故薛夫子別墅

亭畔頻伽鳥離開自在花夢痕春聚沫人事海量沙嵐氣
常疑霧湖光欲變霞祇餘青一半捲入段侯家

謂顧子
別宅

秦淮水榭歌

闌干花影漾春流一斛明珠萬斛愁何處洞房明月夜幾
家牕外木蘭舟青溪枉渚連桃葉如水清歌長笛撼可憐
衣上帝京塵來作秦淮閣中客閣中豪肉伴哀絃又入喧
鶻泛鷁天玉樹歌殘王氣黯吳鉤醉把夢痕牽上元裁過
新萋酒綠煙滅盡清輝透曲檻華燈照綺筵翻嫌璧月明
如晝李家罨靸夏侯衣片片花開玉塵飛中有山陰老支
道說逍遙義箭鋒機馬侯星槎謁帝金門去歪與曾侯經
送歧路當作天涯淪落看佳期總爲浮名誤平分牢落動
辛酸卻展丁年舊句看縈引濁泥沙宛在風吹不動馬湘

蘭二句予少年題白門新柳記語

朱顏能得幾時好垂柳烏棲白門道一

曲西洲淚滿衣羊曇華屋傷懷抱

追悼桑根薛外舅

今夕重爲笛

步遊胡牀三弄被清愁追懽樽酒仍蕭瑟江令南還已白

頭

屠靜山云清散婉麗在先生集中別開一風格

弔汪梅村先生墓

金沙井已消英氣功德泉湮寒碧流野有逸人員石在書

無封禪茂陵求光藟地肺龍淵蟄風送春林鳥嘯愁彫謝

近傷楊朴老更無臣質語天游

江上遇志仲魯太史

鳳皇池上簪豪客忽漫相逢白鷺洲煙外六朝山似鵲樽

前雙筓迹如漚

周保緒與侯青甫同游白下作雙筓圖

天粘芳草芊緜碧寺

憶黃梅汗漫遊明日分飛勞燕別折麻江上寫離憂

治道尙猛

何以磨治攻玉具粗沙大石用逾神由來惡器能成美一味澆茸誤殺人

憶君山寺

問道君山納春治種藥欄塔雲尖半隱幢雨宇全漫礪水侵藥路松根絡館壇有書招倦客晚几道經攤

春雁

叢雁春當去憐子阻北歸相攜蘆澈侶卻向帝城飛挾子

銜瓊粟穿雲帶落暉秋來故人札煩汝達層磯

贈積堂

吏事非吾習有疑諮伯始盲人資邛竹得杖蛟龍倚君於
世法深閱人如流水臧否閱舌端陽秋在皮裏如竹葦稻
麻過眼虻蚋脉電光石火中百年剎那耳靈臺有白日學
道良足恃生逢祝

元祐木星五周矣欲陪香山翁留眞普明寺花柳無邊春
溪流淨如綺登臨吾輩樂拍拍鳬雁喜物情向欣欣何況
濠上履看山不礙目聽水不逆耳清暉來娛人誰言光景
駛試飽青精飭遣之紫石髓

贈約齋老友

興化門下士誰人得真傳看君作州隸外質中藏妍情寒
孕山骨其氣蒸霞煙奚止師一鱗法乳天機全我落樊淵
中疲茶慙真堅君葆元珠瑩觸物意超然食息與人同中
有春無邊不言而飲和言涵碧山鮮我求興化緒勃窣出
君詮庖丁忘理解漁者遺芳荃液液象融冰涓涓如導泉
翩然袞雲閒朽鈍仗珎鐫興化不灰訣畏壘得之偏士志
怡溝壑萬障矢洞穿劉先生律身及教學人下手工夫先
從淡泊堅苦證入到貧窮造次頓沛
困頓中鍊心要訣則曰志士不忘在溝壑拈出一語樹樹
紅酣山山綠戰無不從這些子根源萌芽而出抉盡萬緣
一掃掃何必遊黃嶽遠探赤水淵妙理在俯拾失之目睫前

言二
君信能予規矐括踰韋弦相要飛霞佩藉草江南天醉則
枕竹根浩浩如登仙

戲作春興詩

雨絲搖颺淨無塵點點桃花古渡津喚取丹青寫春色蕭
家尺木是州民

調塵遺

天不予閑曠暫謫在塵喧北市巢一鶴南村巢一蜎潺湲
一水閒脈脈抱至言耆好與俗殊世議畏濁煩譬如青鸕
雖強以腐鼠飡世道之所棄孤光開天門願早辭殘秩相
攜謝籠樊竹有一斛實松無斧斤痕

帝賜剡溪曲石壁倘可捫扁舟載酒去逸興青邱吞庶遂
蝦蟆性擺落蚍蜉論凌處士一字病鶴故戲題云云

游飯籬山海客別墅

連巖疊翠杳沈沈卜築何年海窻尋沙路磐紆出林表洞
扉窈窕敞花陰脩鯨負曝噓雲氣山下有池畜海鯨二樽投以果餌傲晚不食
鳥穿枝送妙音歷歷風帆度江樹瑯闌憑處一開襟

醉後又書一首

四明狂客登臨興林外澄江一片明何處南朝佛剎出幾
家楚調漁歌生璣傾寒碧蒲桃酒盤漬輕紅荔子飭試把
長弓倚西海異花絕域致珠璣用漢書西域傳論意

早至講院諸生皆未至隱几小睡呈王廣文

君真傲吏漆園鄉伴我清晨憩講堂門外青袍猶待集花
前小閣暫林香逍遙臺圯詩碑泐蝴蝶叢棲艸徑荒睡味
試拈參齧缺此情何遽減濠梁

君蒙城人曩嘗爲予說
莊子祠堂故事故云

王君邀喫菰米粥味澀而美再賦

橫舍官清自不貧老資服食啖霞人水精碗有雕菰粥久
竹壇邀野趣賓觸網夫人珠變慈澆腸莫污汗書筠不須
米乞鄰僧送瓶有餘糧鼠不噉

東庵道人

道人枯坐髮紺碧卅年夜眠脇不席倘如松子隨風雨不

逐淮王煉秋石

間有一道人廬小蓬萊閣曉
養性術既而辭去不知所往

養疴

東風吹人不可出窗外搖颺小桃枝
寢瘵還應謝人事爲
園孤負隔年期黃山松花玉色釀白嶽
符束蒼龍肌宛轉
空齋資服食過江持論養生宜

莫謂

莫謂因山遣餽糟意行芳艸滿林皋
嶺霞射紫明殘塔江
雨霏紅出小桃過客騎驄知供奉州民
控鯉有琴高欲除
賓館招徵士何處江南紡落毛

新修小媛子

新修小榭子手種兩桃花閒以蕭疎竹如飡淡冶霞何嫌
傲吏舍不遠羽人家地縱非勾漏爲丹亦鍊沙

板扉上有涎螭家人呼爲水牛戲賦

落砌經年溼未休閣前春水已漫洲
楓梭何處栖金爵扉板今看上水牛
廬乞焦先分少許園邀庾信卜歸休
紛紛蠻觸爭方始一笑先生吹劍頭

祠事回水南春望

禮罷春祠玉斝斟雲開曉色劃輕霽
過橋官柳含煙潤隔水禪扉出霧深
江景芊緜如畫裏春聲宛轉入簫心
遠山翠薄猶難辨略見東南一小岑

得鼎父廣州書卻寄

久隔嶺南書疎麻一微予敝明互相照世法病俱疏白嶽
黃灣別鷺飛草長初行藏兩無著素抱祇憐虛

蹋青

莫关于湖陋費滴蹋青聊快放翁顛菜花鋪似黃綾被柳
絮輕於白氎綿預約流觴修禊事乍逢土銚禁疎煙歸來
自課園丁肆買竹猶應斥俸錢

水南閒眺

多情兩水夾明鏡遶我門前碧玉環帖石幾弓將墀岸開
林一抹遠來山漁家新漲頻遙斷野衲遲炊尙掩關定有

言二
巖栖鹿皮裘青皋策杖豈勝攀

預邀同社諸君春禊

春晚餘寒匝地陰散懷齊契仗登臨
栖心祇欲追蘭渚把臂猶當入竹林
別有幽憂今異昔但期諧隱陸恆沈
試開傑閣披襟看一片花畦似散金

戲題寄子裳

獻歲與君別飄然作楚游推擠同楸木
浩蕩兩虛舟樊素貧求去樵青酒熨愁
端如王內史祇欲乞宣州

次韵靜山太史

索解欣來郭子平新琬許贈白雲篇
羨君才力方適上老

我疎頑廢所傳將奏甘泉陪祀頌欲浮春水上天船考槃
祇覩君家故赤水槎頭釣碧鮮屠赤水考槃餘事於退居
所須適體使人推求盡致
亦殊有風趣

雲門秦中書來示見和詩累數番紙才如泉湧雋不
可當戲答一絕

漸西浪作閒言語引得雲門一棒來似出驪山神姥授噤
予有口不能開

邀予剛出游集句

暮春沙草羣漚散小舫正橫溪上風安得仙人九節杖羨
君懷中雙橘紅定知出郭少塵事還須著鞭隨詩翁

謂尊
人約

生齋先年垂半百不稱意倘有江船吾欲東

登知稼樓宴集

商君務農戰治國力本根戶口資殷實董勸在耕耘不修

良足悲草宅饗禽遜

王元長永明十一年策秀才文今農戰不修文儒是競棄本徇末厥弊滋

多近日海內民窮財殫餉力艱絀似當力行節儉師魏典

農中郎宋州將兼管內勸農使之意以墾荒盡地利教民

耕作爲急重農積粟力田者有獎必令內地戶口殷大賢

實根立勢舉乃徐圖

扞外患此非常談乃本務也

祝金穰題勝斯樓尊

南海張侍郎分巡于湖日事

略云竊願修前緒慎勿侈游觀佳晨霽漠漠東作將課勤

百昌久冒楸社集趁餘春眾賓歡嘉會開筵列芳樽液液

散和氣欲以嚙黎元緋桃萼已殘綠柳尙依門芊麗極遠

目溝塍鋪綺繁薄晚未須散別軫感飛翻敬山將入都曲蹊傍
林轉春流帶雨渾荒壇縹緲薜幽薄采芳孱弱翰攀昔輓
逸情籥奔雲未忘命名意相與淪至言

食筍

南來祇有一事勝日啖東籬上番筍肺病經年畏猪肉兼
珍復得松花菌籩龍解甲美如鮓荆切駢頭付庖尹北地
黃芽姹女鮮南州綠縑僂守職北人以黃芽菜爲雋味亦筍之勁敵皆豪傑之材也
春衫明日仍未脫玉版穿籬墀虛牝啖肉邊菜作機鋒卧
聽茶鼎號春蚓

悵望集句

三
悵望獨策還春晚綠野秀天際識歸舟窗中列遠岫庭空
見野煙川靜聞山狖時來北窗闕迹忝朝廷舊孤雲倒來
深爛漫堆眾皴深心託豪素識微在金奏未有一人曾登
高創危構

浮邱子歌

浮邱子巢在黃山天都絕壁之厓屢朝游雲海葺丹池服
食煉氣老不飢容顏如玉冰雪肌手持千年藤一枝鑊金
爲堂白石牀洞扉窅窕玉女司朝霞作飮沆瀣糜黃野人
輩爲執炊止觀安般周六時槁禪兀坐養嬰兒液液象解
冰流澌孫曾行脉赤松王喬何況鮑靚與左慈左驂青瑯

右素威前驅元熊後赤螭琴高控鯉與蒞馳容成玉顏吹
參差眾靈奔轅朝致辭拜獻九醖松苓巵上藥百二十華
滋搗入元霜丹雪霏辛夷車兮結桂旗排雲馭氣候指攜
日東月西雙丸馳清和張樂瓊甍幃縹姚有山澤閒儀上
觴奉壽一刀圭下眎人海陵谷遙丸蠅磨蠃冢嶰嶰風馳
電掃不可見仙樂縹渺人閒悲至今惟傳相鶴經得之副
墨洛誦疑瀨鄉之中士聞其風而慕之策杖訪之蒼山陞
千梭萬索何處有捫蘿附葛絕攀躋但見玉書繆篆字若
紅崖碑長生眞訣留希敷眞靈位業倘在斯一爲遠游歌
楚詞但言此心以馳彼視其後者而鞭之

問孰能遊是

至柔能制剛太冲能勝強
雲自卷舒神龍戲太清
瘖默安吾素谷神內含光
問孰能遊是請言所授方

蠟磯

麥碧花黃遶古祠
翠旂雲氣護金支
春深斑竹疑前淚
事去英風尚滿旗
荒壘何方尋戰鳥
洞冥至竟接然犀
濤聲似挾靈胥怒
一勺椒漿故國思

黃左田尚書據方輿記勝以其地當桓溫屯兵之戰

鳥山赤鳥以前桐廬爲富春縣之桐溪鄉地後分立縣治孫吳先世宅墓皆在桐廬境內

王大令邀泛舟渡江謁靈澤夫人廟
寘酒舟中作

昔栖羽客丹邱觀
今住縉流一把茆

入蜀記澆磯有道士結廬其上政和中賜

名甯淵觀清瑟傳芭迎送曲玉簫折柳去來潮英靈合薦瓊蘇

酒壇壁應塗茝若椒入坐深杯同茂宰隔江山色插雲霄

題黃文節戎州以後詩

綺語皆涵眞實語忘機略示杜權機無窮文句雕鏤出病
卽俄空一祖衣

欲遊黃山客諍云道回遠不可往因說一偈云

黃山雲海濛濛遠隔幾由旬里豈知坐卧樓下日飲天都
瀑水上源導宛溪流下壑注汶江委茗浴擔罌便給過此
復何須矣清溪三百紆曲出山未變泉味乃知宇宙妙理
俯拾當前卽是人閒喧寂俱忘雖不入山可耳

應廣國博六疊前均奉和

老錢佳句逼何陰
眞本黃庭未許臨
集雁乍懽簪合聚
栖

鸞卻媿枳彌林
兩王繼起應推秀

謂君鄉先達進吾一士祭酒初秋山長

揮思獨好湛困我簿書艱
覩句脛如牛鐸撞羣金

問春何處去

酒醒問春何處去
落絮飛花代春語
無數窗前眾綠生
棟

花風裏聲聲雨

聞荆山佳可游
故老云是卞和採玉處
又多鑿石乳
爲造像欣然賦之

聞說荆山碧樹滋
流傳野語故鄣思
玉工銜淺徒招朋
石

佛津梁想未疲種朮只宜長獨往謫觚惟坐不諧時山靈
莫遣驚童豎寶氣深藏更勿疑

送饒輔星

堅凝斂盡氣縱橫東塾猶留老典型

吏部爲陳蘭甫先生之高足弟子 豈

有奔蜂化蠶蠋更邀明月伴長庚未能藥石康時變且向
溪光濯垢纓記取坐穿官舍榻綠天新拓綺窗明

前年在京邸園中老松暴枯葉赤色屹立狀益崛奇
近於吏舍種竹頗不如法十日而半萎黃裁活十數
竿耳作詩獻嘲

黃竹不作實赤松不作花松殊棄我久西笑空煙霞郊居

白板扉今屬隱侯家

子培比部居之

竹甫迎門至勁梢無一斜月

夕金粟影風簾戛交加如何三十輩半悴如枯枝餘者含

生意陶公憐孟嘉失其清嘯侶倚玉少蒼葭豈如紹聖初

黨籍賢人嗟子瞻儋耳飢器之新州瘴難參玉版味但製

南冠椰抑迓西王母穆滿乘雲車黃竹宴絳雪瘦鞭穿素

沙釣天曲未終竹醉不知耶尙憶赤松子隨風雨爲家不

知所如淮辟穀待疎麻道逢黃石公借問路何賒天師不

吾告宵若仙源槎赤松與黃竹各嫌弊居窳故金玉爾音

相約遯荒遐諸君不我客光風遭蘭挪

階下蕙蘭數十本甚茂

屈平

適樂國嵇生困鍛斲空谷嘲林下虛名懺浮華予亦從茲

隱另闢徑三义

凌云寫來賓
主序次有法

集句戲簡約叁

挂起西窗浪接天
小橋野店依山前
大瓢掬月歸春甕
拄杖穿雲冒夕煙
劍在牀頭詩在手
飢來喫飯困來眠
此閒不可無君語
日暮津亭閱過船

和仲伊山長弢廬八詠

弢廬

不見弢廬子
伊誰捉卧龍
背人修劍術
莫作白蟬公

抱沖亭

靜士善觀物
躁人夢飲冰
抱沖忘歲月
剝啄百不膺

夫容池

涉江生遠懷
攀木多秋思
莫笑此方池
圓靈映其裏

梅坪

復似孤生竹
盤根託此坪
初疑殘月挂
旋向綺窗橫

雲起石

莫便撐空起
相伴瓊臺蟄

天台齊息園先生嘗獲一石雨時能出雲氣

未洒南

晦霖且蔭西
龕笈

嘉雨軒

山人老無事
只讀董生書
能鞭伏龍起
更促阿香車

藕溪樓

樓吸山千疊萬藏花一溪第三層許到莫便絕攀躋

延年室

餌芝非續命汗竹可長年判作琅嬛主能教美意延

野衲

莫笑山僧不識字心持半偈便窮年野花不省有開落山
鳥何曾警睡眠土銚任炊紅稻飯瘦瓢從汲碧瑩泉戲將
拄杖穿牛鼻打破林中窠坐禪

戴文節著色山水便面

公自題識丁未五月爲女某作山中閨寂畫頗不愜
意乃未閱月而女亡題以付瑋竟成畫識云云此吳

言二
司馬之母夫人也是值鹿床翁乞

恩歸田日所

作矣吳以索題

慈愛纏至性幽憂寄生綃皴染出天得風趣寫蕭寥古人
愛毛羽响沫潤枯彫濃樹類小米疎嵐如鶴樵古法亦粗
具紅萼敲長條嫣然出水際窮若天台劫間靚得館宇交
游謝相招并無田父識或者上皇樵意境含峭蒨佳觀眾
塵消自嫌去古遠神理猶未超乃知菰者心虛沖畏楊標
公豈兒女泣薜花不終朝悵望白雲堆精靈微大招遺翰
人知寶瓣香誰解燒脩身在循本慎獨匪熟椒內觀湛然
在數明燭垠霄大節由素辦曲蘗託慘聖觀茲助深喟以

鎮世士澆

公死節之日家人於衣帶間得楷寫絕命詩一首有
撒手白雲堆裏去從茲不復到人間之句人皆習誦
究不測公意云何後偶檢西湖方志花塢之直西十
許里有地名白雲堆裏則南宋時高僧瘞塔多是在是
焉悵然觸悟豈公亦如坡公前身爲廬山五戒耶不
可知也因記於此

題薛郭外姑碩人遺真

正容悟物拜蒼顏往事前塵總黯然邱首歸全逾七十東
征將子道三千蝸居不識廳屏敞鶉結常安衣裋穿高行

言二
三
殆難斑管罄相依猶憶爨無烟

禹祠

中江疏鑿江之委明德祠官禮數瞻岸束驚濤迴壁滌突
無炊暇幾留黔荒庭楚頌稀栽橘春社吳巫競撲籥風雨
今思塗嶽曾駿奔號令百神嚴

潘上舍拾菜奉母畫卷

釜三不洎我心悲畏見斯圖觸涕洟此色休令黔首見慈
顏久隔綵衣時潘輿樂事良難再陸橘天真未易欺以諷
區中多肉食誰能不墮令名論

鼎丞新得鳳穎詩以代簡

碧油幢引向方州團扇風情內史優濠上魚騰懼育淮
南桂拂蓋修修行看父老思賢將同向京塵憶舊游君前
洛友人潘孺初鄧伯訓賦之皆已逝洪李兩端公尚健在自鄙宏農徒坐嘯發硯祇乞
潤新猷

調應麋

宿蕉已展青旗障新竹遲抽碧玉叢夜靜清吟誰竊聽綠
天深隱老錢翁

上禹耕山

亂山環合水連天綠縹緲豐茸浸一川山似巨靈曾壁破石
聞顛米欲施鑄戈頭箭鏃耕還出絮影花光舞欲旋一過

蘭闥彈指別遠人干羽頌

堯年

紫丁香樹

廨舍無園并無一花比屋雲連陽景罕曜芑芑然不知爲春秋也一日忽奴星來告西垣夾道中有佳花二高株察之則紫丁香也於是眾賓皆喜蓋爲薜荔峻牆垣衣蛛網所蔽也久矣予覘竅方明於牆而承以丹檻洞以綺窗花時可以質酒可以劇棋不居然爲榭矣乎天下高勝之境失之目前者多矣可勝慨邪以志吾過且慶斯榭一朝呈奇獻狀於榛翳之中

也

久別長春寺六株春來香雪海何如無端瘴癘西垣下忽

覩仙人紫綺襦

子京郎鄰長春寺有六株皆白花時常攜酒婆娑其下

又

窈窕窗開亦偶然孤芳久閤汝清妍愁禁騷屑吳天雨瘦

倚腰支楚國煙

又

垣衣蛛網鎖縱橫寂歷何人識此情好似韓員外家樹傳
杯露坐賞繁英

又

陶令田無杭一稜白家池少竹千竿
觴書新涇丁香樹只作微之州宅看

野景

荷葉淨於青玉盃菱花明似赤金鈿
原知不及西湖好風景依稀雨後天

予規爲榭估工四十金難之遂罷役客又曰此殿春
花狀酷似丁香而實非也復作詩

心生本無住隨處得安便好似漚波宅常於小印鐫

趙興每

題識鈴以書屋章人叩其所在則曰我無一屋只在印上耳

又

老來讀爾雅不熟今知誤不識殿春花喚作丁香樹

又

世樂本有涯堅尋內游好無花亦無樹穩睡忘春曉

甄散

世法出世法羃散初不二譬庭樹冬枯春條還豐蔚四榮
乘四空世法紆委備四枯藏四寶卽出世法是照已寂惺
惺寂中涵照理靈臺湛不動刻瑠眾形駛焦穀不生芽火
馳還黜智世樂多纏障栖心無義味無味至味存無義真
實誼道根澹亡味用乃不可既將一指頭禪四百灘漲起
誰棄一法輪不假三車致三車亦權設未辦了四智不見

新州獠腰石朝舂米掀翻明鏡臺方現根性利見山未見
道猶縛罽罽累永嘉折慢幢雙了止觀止無世出世法淨
信汝授記无真亦无妄无成亦无毀一超方頓證入優畢
义地不斬眾緣生不見一法起甄諸教妙因寫以人間字

題畫卷

夏嵐雨過濃於滴中有延緣葦間客試指生目望溪橋飛
閣嵌空梵王宅縹緲風吹榭葉衣疑是瞿硎隱文脊

挂席

漢日丹楊郡桓家白紵山好歌知應節餘響落雲寰詠史
吾家舊租舩興未闌明朝挂席去乘月弄潺湲

初夏

愁與青春算思因積雨生瘴虵衙艸出乳鵲啼花行灰種
移秧未籬門織槿成故畦歸未得江漲正縱橫

迂綸卿

江樹晴縈赤羽燕詩翁喜迂老梁汾剛逢南仲巡黔岫天

遣東坡會卯君

謂愜弟石仲先生

有約同聽官舸雨忘機更上敬

亭雲相邀徑訪文殊院黃海題名當冊勳

舟行

洲渚劇連綿蘋蘆淺水邊牛行春穀澗人向宛陵烟問俗
從卑溼登岸得小鮮還招白龍至騎訪子明仙

謀二
聞當塗縣慈姥磯出異竹圓緻絕倫卽西蜀王褒所
稱江南之簫簞也所從來遠矣欣然賦之

莫惟江南曲流潮激宕迴雲峯祀吳姥懸嶂劇簫材能致
仙靈集風生洞壑哀羽衣騎夜鶴一上凌歊臺

綸卿舟次枉和新篇復次韻

無邊細草夕陽蕭蕭鼓中流泛曲汾畫舫欣瞻天使節玉
篇重荷野王君近無野刹堪游屐遠有烟嵐半入雲何處
南朝四百寺前塵爲訪杜司勳

江村

黃雲刈淨綠無邊剛是江南四月天耕出野墳銀作甌
宣桓

武女紙霏晴碓玉鋪烟一雙白鷺衝人起無數紅蜻點水
冢事只笑刺藤花欲落瘴腥猶觸客衣痛

東門渡

曲曲澄江抱宣州古渡頭遠嵐平更潤野市僻仍幽蘭艸
瞿硎宅蘋花謝朓洲堪於此栖築枕石漱清流

繹夫行

麥未作餅禾插無前村後村雉哺雛腰鑣秧馬嬾與姑丈
夫何在朝亡逋里胥追索如奔狐螭頭大舫旗繡弧沈薰
雙炷博山鑪班劍列隊衣麗都大秦番樂奏清娛殷山鼓
吹千騎呼從吏虎冠叱里胥長年袖手攤錢姝坐待伍伯

捉緯夫方舟並進銜尾魚一舸十丁磬折趁餘丁折泉供
奚奴督以材官鞭背蛆酒肉如山饗臺輿不得犒汝朝未
舖窺舫中人天神乎隱囊倦倚錦地瑜腹中何有鵬夷壺
稀出智慮蘇民痛緯夫緯夫爾何辜不得耕種輸官租弊
衣短後腰笏俱此中恐有何易于

宣州楊使君招讌郡齋並約同游北樓留題

我欲逐陵陽子明朝騎白龍背採不灰藥汗漫尋丹邱又
欲訪李供奉手攜綠玉杖鍊淬金骨好入天都游上有昭
融蕩蕩不可鑄之碧落下有汀滢曲曲之迴流此中蠶耕
老避世息陰逃物將焉求年豐祝稻勿生耳地僻支茆聊

蓋頭朝供礪飲敬亭麓暮適蔽體瞿硎裘天都丹邱相望
阻參錯蒼耳林中逸人不可作山阿桂枝啼髮徒攀翻
蟻吟鶴怨吾意久蘊落仗有醫巫閭嶽賢使君來主佳郡雲
山新宛溪迴抱雙翠虹水如碧玉百丈見游鱗尙餘歸然
北樓在澆我美酒松花春使君好客意甚真滿堂豪俠朱
家鄰常懷獨坐清天下况復韭花書絕倫卧涼月拂花茵
袖中謝公句寫景妙入神何待歸雕剡曲尊三千年不隔
一塵朝朝看雲北樓上清暉變化來娛人明當散髮扁舟
去出山迴望迹已陳惟有使君獨醒還獨醉掃盡人間煩
惱因二豪螺贏倏不見滿壁虵蚓鏤翠珉他年重開張樂

讌相憶汀洲弄白蘋

明日果登北樓別既淹旬追念靈境悵勞不釋用謝

吏部高齋閒望答呂法曹韵作一首以寄意

麗矚倚修聳危構陵蕭深乍尋散徑上翕絕環洞林連嶂

如四隤風篁戛孤吟散聞地籟殷音隱琅若天風琴異境闢

芳躅高標寫遐心薜蘿陪清宴是日惠舉太守後賓酒樓下集折麻承王

音已攬神舉趣何用陟嶽岑北窗正對敬亭山雲物了了可辨迫於官程不能復往游

又依高齋眎事均作一首

新雨霽含清層嵐危阻日炊烟萬瓦浮霧樹雙溪出欲攀

瞿剛輓方攜處道筆吐納餐高明雲霞生席膝史記魏其侯傳餘半

膝席前賢蘭自蕤感遇情非一逃名齊榮萎庶治幽憂疾

依李翰林登宣城北樓作一首

雲山含變態欄楯若浮空近接陵陽洞紆迴淵歛虹玉笙
招夜鶴流水入枯桐代謝蘭將菊登臨憶謝公

讀南齊謝朓傳有感

餌菊已無潭烹鮮非晷日潺潺樓外溪葭吹樽前出終鑠
黃金軀空留綠沈筆曾充符竹隱寄抱高齋膝菴暖紛異
容烟繚望如一倘全山藪性割漆甯藏疾

惠山聽松篆刻拓本

松下鋪瑤席有人吹玉笙華陽傳故事篆勢尙縱橫雨字

勁鑲鐵千年落洗瑩誰留此仙迹疑是山元卿

葉落生有辨以爲非

李少
溫迹

又爲彭應賡題

乳水不可致冷然簷後人松風妙入聽山雨迹如新抱得
蒼玉筋張之粉壁皴君應三日卧卧玩瘦通神

欲尋

欲尋古蹟一銷憂迫窘思難乙乙拙亦有金門供小隱還
浮玉水遡方流劍池氣欲刺龍耳畫壁名猶壁虎頭坐歎
江湖成獲落無心競渡看操舟
東南有門曰金馬門東河大荆山間出玉赭山上有
干將洗劍池明循吏勞公祠
原有蕭尺木畫壁今亡之

訪崔隱君不值

新月映田水，蘋霞明晚墟。
圓荷淨搖颺，早稻青扶疏。
欲尋南村逸，不見空時蹠。
惟有比鄰叟，歸來還荷鋤。
雖隔草芊芊，猶聞生白虛。
寂寞逃人外，宛然斑生廬。
伊人采芝朮，澗源一華予。

舟中望九華山

入梅新漲拍天流，雲氣山光枕一州。
九女烟鬟出明鏡，羣嵐排闥送行舟。
萼跼枝作天都勝，呼吸遙通帝座游。
遙指樵人紺林外，只疑來往遇浮邱。

復至舒州

磨驢欣復蹋前塵三宿猶憐菜下身門已屑落漫勝字窗
無鏡檻瞰花茵涎蝸作篆徒工技乳燕銜泥巧趁人逆旅
主人无恙在青羣白髮嫗長貧

壯士行

安得壯士扶日車指撝羣筴莫

帝家功成辟穀餌丹沙惜哉風塵久不遇坐令江湖老羈

旅卧聽簾外瀟瀟雨深山蛇舞潛學龍戶藏彭祖尸素饗

欲告雷霆道何從

晉書王浚傳幽州城門似藏戶云云

時乎去我若雲浮空

吟駢駟摧雙輶喚誰鑄以青金甌

見林蘭花寓意

林蘭吹氣不勝寒玉指當時促坐彈二十七年流水去暗
香殘藥隔簾看

子裳招池上集

園林依舊澗池上足龜魚畫燭穿蕉出澄江遠堞紆欲探
浮渡勝試揭樅陽書還嗣蘭亭集風流支許如

將謁唐兀忠宣公墓

九流元氏濁片石表孤忠素履措殘局朱萸奮勁風將陳
椒醕奠一障濁流東太息虞文靖知公未遇中

簡署布政使員公

甘霖布濩徧江皋經畫知公听夕勞百二提封程計吏半

千名胄出人豪久懷苦縣烹鮮手新奏棗林中節刀治行
純深動

天語真除奚止醒書褒

會披黃菊出蒿蓬澄汰才流仰至公妙選一臺推武庫

先君

官兵學林二曲姬宗工徵歌樂職西州雅活渥清樽北海

同咸受指撝賜雨若御慙短翅負冥鴻

春草行

春草夏更綠猶銜三春暉春暉久已翳想像見容徽東望
連岡松拂鬱惟見艸色如春衣春衣中有

慈母綫夢傍扶牀軋軋機猶懷石養山結廬炳燭誦經朝

忍饑縱不能晞范滂疾風之勁草甯敢忘汝滂母授之法
戒弦與韋於戲天地何廣廣日月爲珠璣餘光猶起孤兒
瘁寸草抱此將安歸

仙老招游大觀亭

嵯峨近接青蓮宮與公馮虛一御風渺然江湖成壯觀下
瞰樓艦排晴空匡廬遙指灑飛瀑黝嶽爲我生長虹是日
東流縣境披襟坐對一樽渌何似雲將邀鴻蒙
虹適見

又一首

新河巧帀危亭背沙鳥風帆乍有無二氣蟠紆亘青赤百
靈襟帶盼荆吳珠光祖塋層層見碧血英祠冉冉趨淘洗

前朝餘恨在傳芭擊鼓走村巫

苦熱行

江南苦乏冰
椀致衣上疑有火
珠生將無丹
鑪劫燄敗窰烘
六合皆光明
金烏翕輦滄鐵汁
烏鵲渴灰瘡不鳴
安得松風絕
礪畔洞扉綠
淨鋪桃笙

黃提督

秉均

蒙縣守城圖

雀鼠已盡
厨無烟
黑雲壓城崩
堞穿而如枯
腊猶披堅佩
刀不能出
飛泉夜深月
暗青燐燃重
腿禹步不能
前進苗陸梁
斷外援
奔車礮礮殷
九淵長平瓦
震埋無全輪
攻墨守氣
仡然百二十
人脰忘情

圍城中灰骸枕藉
劍殘餓羸之餘
士卒裁餘百二十
許人

口銜木石精衛填忠信耿耿野皇天僧郎萬騎來聞闔解
汝昌義之倒懸痛定思痛圖使傳青青之麥陵陂妍昔曾
戰骨餒豪鳶華燈清時照綺筵解衣刀箭瘡生痛努力輸
稅耕王田老猶斗鉢挽黃眉追轍裏鄂雲台鐫當年頗學
吏漆園視喪其足土苴捐流金焦石志不遷

寄梁節庵鄂州

飛鸞去臘不停驂四海誰容一節庵浮芥平吞雲八九折
麻聊寄道千三青油幕已成中隱白壁卿羞致立談自是
超然不羈客焦山何有有書龕

召魯隱
焦山

于湖小集詩二終

試帖偶存

柳拂旌旗露未乾

得春字

禁柳千絲裊宮旗一色新
露晞猶漬曙風拂乍籠春
淑氣瞻黃繖低枝蘸碧鱗
煙開金殿藥衣潤玉階人
析羽離離影涵珠嫋嫋身
翠疑搖雜佩紅不染纖塵
東面颺偏弱南牙仗早陳
託根依太液甘獲頌恩綸

又

稚柳和煙細青旗拂淺春
未乾前夕露似迓早朝人
清點緋衣溼寒搖羽蓋頻
珠盤粘落絮金縷掃芳茵
天仗陳都潤雲縠畫不真
遠風交禁樹仙瀝飲詞臣
漲鴨痕堪染宮

鶯囀亦新永豐根乍徒載筆頌

時巡

紅藕香殘玉簫秋

得秋字

紅衣殘更艷玉簫一螢流雪藕誰穿孔飄桐忽報秋涼思
方錦褥花妥木蘭舟露瓣敲東面風淪卷上頭香痕參篆
鴨扇影怯牽牛解珮人千里流黃月半樓題還攜彩筆簾
欲下珊鉤卻妬棲鴛夢塘西未解愁

書味夜燈知

得知字

妙得羣書味寒燈伴鬢絲宛如雙照澈不獨寸心知青映
千編汗紅搖一穗垂微言蟬腹飽曲柄雁檠敲蠶白探碑
趣松肪讀易宜官厨眞癖左夢草忽生池理窟供含咀神

光乍合離道欣欣有獲蓮燭侍經幃

又

巧闢燈花麗書窗有味知心光迴合處夜氣獨醒時得雋
醍醐似含烟篆最垂晶螢雙雁足寂照一烏皮興往真成
癖神來不覺疲壁蟲如助語言象入沈思坐欲頻穿榻身
將老抱遺齋忘捐亦好鏤畫謝冰脂

題詞

僕曲木散材局迹代農迴旋依隱耽陸沈而無遠志觸物
厲興偶拈韻語率違旬凡不求工律但取剽剝儒墨刊度
情僞寫蕭寥獨往之趣寄虛已遊世之指而已間亦感世
變之遭屯憤龍拯之勢術愍九流之湛濁睹羣策之艱挂
綆短不可以汲深故守雌以葆用短刺今無傷於敝古故
風諫以示砭今詞儼如隱諺婉方羃亦頗宗尙阮籍孫綽
許詢帛道猷高允顏黃門王無功柳子厚之徒於莊老靡
謝山水未滋勃率迴穴浹崢蕭瑟之際致其觸理發其興
趣焉甫里敝人本無情於祿仕羈劓拙吏不欲標其名姓

世有詆爲旁門癖謬者蓋漠然無所饒於中焉光緒甲午
秋九芳郭鈍交湯識於避舍蓋公堂